

彗星事 信俊 長治三年

彗星昏見事

一彗字之體并字意等

漢書志云歲星贏而東南孟康曰五星東行天西轉歲星晨見東方見彗星甘氏曰不出三月廼生彗本

類星末類彗又云凡五星早出為贏贏為客晚出為縮縮為主人又云超舍而前為贏退舍為縮云々又

云大白出晚為彗星將發于亡道之國又云辰星出晚為彗星天地瑞祥志云彗星者天地之旗也守曰

精發為妖星也晉書志史臣案彗體無光傳日而為光故夕見則東指晨見則西指在日南北皆隨日光而指又

曰偏指曰彗芒氣四出曰孛孛者孛々然非常惡氣之所生也內不有大亂則外有大兵天下合謀闇蔽

不明有所傷害晏子曰君若不正孛星將出彗星何懼由是言之災甚於彗公羊傳曰孛者何彗星也何

休云狀如彗也又云彗者邪亂之氣掃故置新之象也又云孛者邪亂之氣也後漢書志云孛星者惡氣

所生為兵亂其所以孛德孛德者亂之象不明之表或謂之彗星又云韓楊占云其象若彗竹彗樹木條

東宮切韻云孛者郭知玄云祇星氣孛々然麻果云星文也祝尙丘云星惟氣飛似彗穀梁傳孛者弟也

劉非云弟々氣起貌漢書志又云彗孛者陰陽之精其本在於地而上發於天者也董仲舒以為孛者惡

氣之所出也謂之孛者言其孛々有所妨蔽闇亂不明之貌也劉向以為君臣亂於朝政令虧於外則上

濁三光之精五星贏縮變色逆行甚則為孛

今按彗星者五星之變非常惡氣之所生也抑彗孛者邪亂之氣掃故置新之象又隕錯失其次又闇

亂不明之貌也

光芒長短見現日數

天地瑞祥志云甘氏曰彗短為飢亂長為兵見三日為一句見一句為一歲京房曰彗長一丈為十月二

丈為二年五丈為五年也漢書志云其出久者為其事大也後漢書志劉昭注云長短无常其長大見久

丈為二年五丈為五年也漢書志云其出久者為其事大也後漢書志劉昭注云長短无常其長大見久